



Mesur Llywodraeth Leol (Cymru) 2011

2011 mccc 4

RHAN 6

TROSOLWG A CHRAFFU

PENNOD 1

PWYLLGORAU TROSOLWG A CHRAFFU

Penodi personau i gadeirio pwyllgorau

68 Yr adegau pan fo penodiadau i'w gwneud gan grŵp nad yw'n grŵp gweithrediaeth

- (1) Rhaid i'r ddarpariaeth benodi ddarparu ar gyfer penodi cadeirydd y pwyllgor yn yr achos a nodir yn yr adran hon.
- (2) Rhaid i'r ddarpariaeth benodi ddarparu bod cadeirydd y pwyllgor, yn yr achos hwnnw, i'w benodi gan y grŵp gwleidyddol nad yw'n grŵp gweithrediaeth.
- (3) Achos fel a ganlyn yw'r achos hwnnw—
 - (a) mae dau grŵp gwleidyddol (ond dim mwy) ar yr awdurdod,
 - (b) nid oes gan yr awdurdod ond un pwyllgor trosolwg a chraffu, ac
 - (c) o ran gweithrediaeth yr awdurdod—
 - (i) mae'n cynnwys un aelod neu fwy o un grŵp gwleidyddol, ond
 - (ii) nid yw'n cynnwys unrhyw aelod o'r grŵp gwleidyddol arall.
- (4) Yn yr adran hon ystyr “grŵp gwleidyddol nad yw'n grŵp gweithrediaeth” yw'r grŵp a nodir yn is-adran (3)(c)(ii).